

**PRENTISIAETHAU.
DEWIS DOETH**



**PRENTISIAETH
PEIRIANNNEG SIFIL YGC**

PECYN GWYBODAETH 2023



Hoffem eich croesawu i Becyn Gwybodaeth Prentisiaethau Cyngor Gwynedd.

Os ydych chi'n chwilio am y cyfle perffaith i ddatblygu eich gyrfa ond ddim yn siŵr ble i ddechrau, dilyn Prentisiaeth yw'r cam nesaf i chi. Dim ond dechrau'r daith yw dilyn prentisiaeth gan ei fod yn gallu eich arwain i ddilyn nifer o lwybrau cyffrous, megis sicrhau swydd barhaol, neu ganiatáu i chi barhau i ddatblygu eich sgiliau gan ddilyn prentisiaethau ar lefelau uwch.

Rydym yn mawr obeithio y bydd y pecyn yn eich ysbrydoli i ddilyn prentisiaeth ac y bydd ein cyfleoedd yn apelio atoch chi. Diolch am gymryd y cyfle i ystyried ein cyfleoedd prentisiaeth, a pheidiwch ag oedi i gysylltu os oes angen unrhyw arweiniad pellach arnoch.

Gwnewch y dewis doeth. Dewiswch brentisiaeth gyda Cyngor Gwynedd.

Edrychaf ymlaen i ddarllen eich cais.

Alun Lloyd Williams

Arweinydd Talent a Phrentisiaethau Cyngor Gwynedd

BETH?	TUDALEN
BETH YW PRENTISIAETH ?	3
PRENTIS CYNGOR GWYNEDD	4
Y SWYDD	5
Y DYSGU	6
CYFLEOEDD	7
BOD YN BRENTIS	8
Y BROSES RECRIWTIO	9
I ORFFEN	10

FFEITHIAU

Mae'r Cyngor yn gwasanaethu bron i 120,000 o breswylwyr bob dydd

Mae dros 6000 o staff yn gweithio yn y Cyngor

Mae'r Cyngor yn berchen dros 400 o adeiladau ar draws y Sir

Mae'r Cyngor yn cynnig dros 100 o wasanaethau

TROSOLWG

Mae prentisiaeth yn gyfle i chi ddatblygu eich gyrfa drwy weithio gyda pobl profiadol, derbyn cymwysterau a chael cyflog yr un pryd!

Mae prentisiaethau wedi eu llunio o amgylch fframweithiau a safonau sydd yn gyfuniad o gymwysterau sydd yn cael eu cydnabod yn genedlaethol.

Er mwyn i chi fod yn brentis bydd rhaid i chi fod mewn cyflogaeth. Byddwn ni fel eich cyflogwr yn cynnig profiadau yn y gweithle i chi yn y maes o'ch ddewis, a byddwn yn eich cefnogi i gwblhau eich prentisiaeth yn llwyddiannus.

Rydym ni fel Cyngor yn falch iawn o fod yn gallu cynnig cyfleoedd o'r safon uchaf i'n trigolion, ac yn edrych ymlaen i groesawu'n prentisiaid i'n sefydliad.

BETH YW CYFLOG PRENTIS?

OED	BLYNYDDOL	BOB MIS
16 i 17	£ 10,186.60	£ 848.88
18 i 20	£ 14,450.31	£ 1,204.19
21 i 22	£ 19,640.07	£ 1,636.67
23+	£ 20,103.10	£ 1,675.26

CWESTIYNAU CYFFREDINOL

Pwy sy'n cael gwneud cais am brentisiaeth?

Gall rhwyun wneud cais am brentisiaeth os ydyn nhw dros 16 mlwydd oed, yn byw yng Nghymru ac nad ydynt mewn addysg llawn amser.

Beth fydd hyd y brentisiaeth?

Mae ein prentisiaethau yn cymryd rhwng 24 a 36 mis i'w gwblhau, yn ddibynnol ar ofynion penodol y cymwysterau a'r lleoliadau.

Sawl awr sy'n rhaid i brentis weithio?

Rhaid i Brentis gael ei gyflogi am o leiaf 16 awr yr wythnos. Mae ein prentisiaethau ni fel arfer yn llawn amser, sef 37 awr yr wythnos.

Oes yna gyfyngiad o ran oedran?

Na, ond mae pobl ifanc rhwng 16 i 19 oed yn cael blaenoriaeth.

Pa gymhwyster byddwch yn ei astudio?

Bydd hyn yn dibynnu ar y llwybr byddwch yn ei ddilyn. Mae'r fframweithiau Prentisiaethau yn cynnwys cymwysterau o bob lefel.

Ble fydd yr hyfforddiant yn cael ei gynnal?

Byddwch yn cael eich ryddhau o'r gwaith i astudio mewn Coleg neu Brifysgol neu byddwch yn dilyn rhaglen dysgu o bell os yw'r ddarpariaeth yn y gweithle yn unig.

BUDDIANNAU

- 26.5 diwrnod o wyliau blynyddol
- + 8 diwrnod gwyl y banc blynyddol
- Gweithio yn hyblyg - Gweithio o adref, yn y swyddfa neu cymysgedd o'r ddau
- Amodau a thelerau gwaith gorau yn yr ardal
- Elwa o ystod eang o gyfleoedd hyfforddi a datblygu yn fewnol ac allanol
- Manteisio ar gynllun beicio i'r gwaith
- Bod yn rhan o'r undeb credyd
- Elwa o ddisgownts mewn siopau lleol a chenedlaethol
- Cymryd mantais o'r Cynllun Chwarae Plant os oes gennych chi blant
- Cefnogaeth i chi gael bywyd iach drwy gefnogi nifer o fentrau gwahanol ar draws y Sir.

LLWYBR PRENTISIAETH

- ☒ Profiadau gwerthfawr yn y gweithle
- ☒ Gweithio tuag at ennill cymhwysterau
- ☒ Derbyn cyflog teg tra'n dysgu

BE SY'N BWYSIG?

Dyma'r pethau sydd yn bwysig i'w cofio wrth fod yn brentis gyda'r Cyngor:

- Dangos yr ymddygiad a'r agwedd cywir
- Dangos ymrwymiad i'r gwaith
- Cyfrannu tuag at rhoi y gwasanaethau gorau i bobl Gwynedd
- Gweithio'n effeithiol fel rhan o dîm
- Cyfathrebu efo hyder
- Bod yn barod i ddysgu pethau newydd
- Deall be sydd angen i weithio i'r Cyngor

EIN ADDEWID I BOB PRENTIS

Byddwn yn sicrhau ein bod ni yn rhoi blaenoriaeth i'r pethau yma:

- cydbwysedd rhwng bywyd a gwaith
- Cyflog da a dilyniant gyrfa clir
- canolbwyntio ar lesiant
- Hyblygrwydd yn eich ffordd o weithio
- Rhoi ystyriaeth llawn i amrywaith a newid hinsawdd

TROSOLWG

Sefydlwyd YGC yn 1996 ac erbyn hyn, ni yw'r ymgynghoriaeth Peirianeg Sifil, Amgylcheddol ac Adeiladwaith fwyaf yng Nghymru sy'n cael ei rhedeg gan Awdurdod Lleol. Rydym yn gweithio gyda nifer helaeth o gleientiaid yn y sector cyhoeddus, a phreifat. Mae YGC wedi sefydlu traddodiad o allu cynnig cyfleoedd gyrfa i'r rhai sy'n dymuno dilyn gyrfa hynod fedrus yn yr amgylchedd adeiledig. Dros y blynyddoedd, mae YGC wedi buddsoddi'n drwm yn ei staff, gan gynnig y cyfle i ennill cymwysterau academiaidd a / neu broffesiynol pellach.

Y GWAITH

Mae gweithio i YGC yn rhoi cyfle i gael profiad eang o'r maes Peirianeg Sifil, yn benodol yn y meysydd Dylunio Isadeiledd a Thrafnidiaeth, a'r maes Dŵr ac Arfordir. Mae rhediad o wasanaethau Technegol ar draws yr adran yn rhoi cyfle i brentisiaid gael profiad eang a gwybodaeth i alluogi llwybr i'r dyfodol mewn Peirianeg Sifil. Mae'r Brentisiaeth yma yn integreiddio dysgu academiaidd a chael profiadau gwerthfawr wrth weithio yn y maes. O ganlyniad, bydd cyfle i ennill profiadau ymarferol a datblygu dealltwriaeth uwch am ddylunio, adeiladu a chynllunio.

Yn rhan o'r brentisiaeth yma, mae Ymgynghoriaeth Gwynedd Consultancy (YGC) yn cynnig un prentisiaeth a fydd yn cael profiad ar draws gwasanaethau gwahanol YGC. O fewn y maes Dylunio Isadeiledd a Thrafnidiaeth bydd cyfle i fod yn rhan o dîm Technegol Peirianeg Sifil a gweithio gydag arbenigwyr mewn Strwythurau a Dylunio. Bydd cyfle i wireddu cynlluniau isadeiledd fel rhan o'r tîm prosiect, bod yn rhan o dîm trafndiaeth, a gweithio gydag arbenigwyr mewn gwaith geotechnegol.

Yn ystod y cyfnod gyda'r tîm Dŵr ac Arfordir bydd cyfle i fod yn rhan o dîm prosiectau rheoli llifogydd a diogelu'r arfordir gan weithio gydag arbenigwyr mewn rheoli risg llifogydd. Bydd cyfle hefyd i ddylunio prosiectau draenio a rheoli llifogydd arfordirol yn ogystal a chyfrannu at ddatblygu'r cynllun rheoli asedau a chynllun rheoli risg llifogydd y Cyngor.

YR UNIGOLYN

Rydym yn chwilio am unigolyn sydd â diddordeb yn y maes Peirianeg Sifil sy'n barod i ddysgu a datblygu eu sgiliau wrth weithio. Rydym hefyd yn chwilio am unigolyn sy'n gallu cyfathrebu gyda hyder, gweithio'n rhan o dîm, a dangos eu potensial i lwyddo fel prentis.

Technoleg
Adeiladu

Gwyddoniaeth a
Deunyddiau

Prosiect
unigol

Mathemateg ar
gyfer Adeiladu

Arolygu, Mesur
a Gosod Allan

Egwyddorio
n Dylunio
Strwythurol

Arfer a Rheoli
Adeiladu

Gwybodaeth
Adeiladu
(Lluniadu,
Manylion,
Manyleb)

TROSOLWG O'R BRENTISIAETH

TEITL: Prentisiaeth Lefel 3 Adeiladu Technegol
LLEOLIAD: Coleg Cambria
HYD: 2 flynedd
DULL: Wyneb i wyneb

TROSOLWG:

Mae'r cymhwyster BTEC hwn yn cyfuno pynciau academiaidd ac ymarferol i roi cyflwyniad cyffredinol i faterion ac amcanion ym maes prosiectau dylunio ac adeiladu adeiladau a pheirianeg sifil. Mae'r meysydd astudio yn cynnwys meysydd mor amrywiol â gwyddoniaeth, technoleg, dylunio, a rheoli, sy'n cael eu hategu gan waith labordy, gwaith maes tirfesur, lluniadu a chyfrifiadura

Bydd y Prentisiaid yn mynychu Coleg Cambria yn ystod tymor y Coleg i wneud y cwrs Diploma BTEC Lefel 3 mewn Adeiladu a'r Amgylchedd Adeiledig ac wedyn yn gweithio weddill yr wythnos i roi'r hyn sydd wedi ei ddysgu yn y Coleg ar waith.

Mae yna nifer o fuddiannau wrth wenud prentisiaeth yn Cyngor Gwynedd gan gynnwys

1

Datblygu sgiliau sydd yn hanfodol i'r swydd

Tra yn gweithio gyda staff profiadol, bydd cyfle i chi ddysgu gan aelodau o'r tîm, datblygu eich sgiliau a magu hyder yn eich maes.

2

Ennill profiadau gwerthfawr

Wrth i chi ymgymryd a rôl prentis bydd cyfle i chi ddysgu am eich gyfrifoldebau wrth i chi weithio. Byddwn yn cymryd i ystyriaeth nad oes gennych brofiad blaenorol yn y maes, ac yn cynnig y cyfleoedd gorau posib i chi ddysgu!

3

Cwblhau cymwysterau cydnabyddedig yn eich maes

Mae'r cymwysterau rydych yn eu dilyn yn sicr o agor drysau newydd i chi. Maent yn gymwysterau sydd yn cael eu cydnabod gan gyflogwyr, ac mae meysydd ein prentisiaethau yn datblygu'n gyflym ar hyn o bryd.

4

Datblygu dy hun

Mae Cyngor Gwynedd yn annog pob aelod o staff i barhau i ddatblygu eu hunain wedi iddynt sicrhau swydd. Bydd cyfle i chi ddatblygu eich hun ymhellach a manteisio ar ein cyrsiau mewnol unwaith byddwch yn y rôl.

5

Derbyn cefnogaeth a chymorth profiadol

Tra byddwch yn gweithio yn eich maes, bydd gennych fentor lleoliad, a mentor o'r Coleg a fydd yn cynnig cymorth i chi drwy'r cyfnod. Gallent eich helpu yn eich rôl o ddydd i ddydd, neu gyda'ch gwaith coleg - dim ond gofyn sydd angen!

6

Ennill cyflog tra'n gweithio

Os nad yw mynd i'r Coleg neu Brifysgol yn teimlo fel y cam naturiol nesaf i chi, bydd dilyn prentisiaeth yn eich galluogi i weithio, ennill cyflog, derbyn cymhwyster ac elwa o brofiadau gwerthfawr byd gwaith.

7

Gweithio mewn awyrgylch Gymreig

Gallwn gynnig y cyfle i chi weithio pob dydd mewn awyrgylch Gymreig. Mae'r Gymraeg yn rhan o'n diwylliant ni, a byddai derbyn prentisiaeth gyda ni yn cynnig y cyfle perffaith i chi fod yn rhan o'r awyrgylch yma.

TROSOLWG O'R BROSES RECRWITIO

Dyma drosolwg o'r broses recriwtio

CAM	BETH?	SUT?	PRYD?
1	Cais ar-lein	- Cwblhau ffurflen gais ar-lein - Tynnu rhestr fer - Byddwn yn cysylltu gyda'r ymgeiswyr sydd ar y rhestr fer yn unig	Mawrth 2023
2	Canolfan Recriwtio	- Bydd y canolfan recriwtio yn rhedeg dros ddiwrnod - Bydd y ganolfan yn gyfuniad o dasgau a chwestiynau - Bydd y ganolfan yn cael ei redeg ar-lein	Mai 2023
3	Penodi	- Byddwn yn penodi ar sail asesu'r wybodaeth o'r ganolfan recriwtio - Byddwn yn sgwrsio gyda'r geirda cyn penodi	Gorffennaf 2023 ymlaen

TROSOLWG O'R CANOLFAN RECRIWTIO

- Pwrrpas ydi sicrhau eich bod yn cael y cyfle i ddangos eich potensial, ymddygiad ac agwedd
- Mi fydd y Ganolfan Recriwtio yn cynnwys tasgau a chwestiynau
- Mi fydd y tasgau yn rhoi cyfle i chi ddangos eich ymddygiad ac agwedd
- Byddwn yn rhoi copi o'r cwestiynau ychydig cyn y cyfweliad
- Mi fydd disgwyl i chi ateb un o'r cwestiynau yn y Saesneg
- Peidiwch â phoeni, mi fyddwn ni'n cyflwyno'r disgwyliadau yn llawn i chi ar y dechrau

AM FWY O WYBODAETH



www.instagram.com/prentiscg



www.facebook.com/prentiscg



www.twitter.com/talentgwynedd



prentisiaethau@gwynedd.llyw.cymru



www.gwynedd.llyw.cymru/swyddi

BETH NESAF?

1. Dilynwch ni ar y cyfryngau cymdeithasol i ddeall mwy am y Cynllun Prentisiaethau
2. Gwnewch ymchwil i mewn i'r Cyngor ac i'r swydd
3. Agorwch gyfrif ar Wefan Swyddi y Cyngor
4. Dilynwch y Canllawiau Cais. Os hoffech gefnogaeth wrth ysgrifennu eich cais cysylltwch hefo Gwaith Gwynedd ar: 01286 679211 neu mi fedrwch chi e-bostio gwaithgwynedd@gwynedd.llyw.cymru
5. Cofiwch am y dyddiad cau

Gobeithio bod y wybodaeth yn y pecyn wedi eich ysbrydoli i geisio am y swydd

Gwnewch y dewis doeth ar gyfer eich dyfodol

Dewiswch Prentisiaeth yn Cyngor Gwynedd

POB LWC !